

Q. F. F^g f^g f^g. D. T^g Q^g M. e^g
TYROCINUM ACADEMICUM,

Quod
DISPUTANDO
De

LEGIBUS in GE- NERE,

Adnuente Ampliss. FACULT. PHILOS.
in florentissimo Lycéo Aboensi,

Sub Auspicio & Moderamine
VIRI

Adm. Reverendi atq; Amplissimi Domini

M. ANDR. WANOCCHII,

Philos. Pract. & Hist. Professoris Ord.
Præceptoris sui & Promotoris
enixe colendi,

Depositit

DANIEL M^{III}E. BERG/

Die 11 Septembris, A. 1690. in Audit. MAX.
horis consuetis.

ABOÆ, Impr. apud JOHAN: WALLIUM,
Regiæ Acad. ib. Typogr.

IN CHRISTO

Reverendissime

Pater ac Domine,,

DN. M. SAMUEL

WIRÆNI,

**Dioceſeoſ Wex: Episcope Eminentissime, Consistorii Præſes graviffi-
me, Gymnasii ibidem Scholarumque
Ephore adcuratissime, Mecœnas' & Pa-
trone maxime, devota animi rever-
entia æternum ſubmiſſe
colende:**

Pl. Reverende atq; Clariffime Domine,

M. ABRAHAME LANNERE,

Paſtor parochiarum, quæ in ſtatelöf
Torsåhs & Herlunda colliguntur,
digniss. ut antea per bienniū Nutritie,
ita nunc promotor indubit. qvovis
honoris genere ſemper proſeqvende;

**Vos. INQVAM. PATRONI. MAGNI. PROMOTO
QVALECUNQ; FUERIT. SFINITE. VESTRIS. PLA
CULUM. PROVESTRIS. MAXIMIS. BENEFICIIS.
IN. GRATI. ANIMI. NUNQVAM. INTERMORI
TUM. SIMUL. CUM. SEIPSO. SUIS. MECOENA
CAT. AC. DEDICAT. VESTER.**

*Adm. Reverende atque Amplissime
Domine,*

**DN. M. ANDREA
WANOCHI,**

Philosophiæ Pract. & Hist. Professor
longe celeberrime, utriusq; Consist. Ad-
fessor circumspectissime, ut per bien-
nium liberaliter me sustentasti quadra;
ita nunc Præceptor & Promotor certiss:
quamdiu vixero multum co-
lende:

Reverende & Clarissime Domine

M. PETRE CORVINE,
Pastor in Wirsrum & Jareda
vigilantissime, Fautor & Evergeta
multum honorande;

RES. ET. FAUTORES. PROPENSISSIMI. HOC:
CERE. OCULIS. ACCIPITE. PARVUM. MUNUS-
ACCIPITE. INQVAM. EO. VULTU. QVA. MENTE.
TURI. TESSERAM. PRIMUM. INGENII. SUI. FOE-
TIBUS. PATRONIS. AC. PROMOTORIBUS. DI-
clientulus ac cultor D: M

CANDIDO LECTORI SALUTEM!

Quanta Legum ad omnem societatem
colendam & tuendam sit necessitas,
olim sapientissimus Plato egregie, & non
sine judicio, expressit, dum dixit: Quemad-
modum homo absq; societate vivere non potest;
ita neq; societas diuturna aut tuta absq; legi-
bus unquam esse poterit. Et quidem vere ac-
scite omnia: sicut namque corpora nostra, teste
Cicerone, sine mente; sic civitas sine lege suis
nerbis, ac sanguine & membris uti non potest.
Remove enim leges & quid erunt Regna? quid
Principatus? quid Respubl.? quid civitates?
quid denique homines ipsi? nisi magna latro-
cinia! audacia & impietatis asyla! scelerum
officina & conclamatæ nequitiae latibula! scil.
ubi licentia immisis habenis, celstorum pudoris
& verecundiae calles supergressa est, impune do-
minatur & furit, ut citius e corpore animam,
e mundo solem susbuleris, quam e Rep. aut
mente hominis Legum metum. Quapropter
non immerito cum Plutarcho Legem, Reginam
omnium divinarum & humanaarum rerū vo-
care ausim. Cuiuscum tantam esse necessitatem
& utilitatem perspexi, isthanc præ aliis, maximo
ob summā jucunditatem, libuit mihi materiam

eli-

eligere, in qua ingenii mei vires, quæ valde debiles sunt, nec satis adhuc firmatae ad tantum sufferendum onus, pertentarem; quod etiam feci, sed forsitan minus felici successu, quia sine dubio desiderio tuo medicari nequividi. Quod si fuerit, benignus & facilis mihi sis Censor atq; Arbiter, obnixe contendeo; nam heic aliquid penuriae subsidiorū maxime utilium, aliquid temporis brevitati & festinationi, aliquid curis & negotiis innumeris, quibus non parum distractus fui, plurimum vero ingenii tenuitati tribuas velim. De cetero Tu C. L. salve & vale, mibiq; fave!

INDEX RERUM quæ heic tractantur.

SECTIO I.

§, 1. Usus & abusus ὀρούματος. §, 2. Nomen legis explicatur. §, 3. ὀμωνυμία Juris. Hobbesi status naturalis refutatur: debitum morale & legale quid. SECT. II.

CAP. I. §, 1. Definitio Legis. §, 2, & 3, adstruitur genus. CAP. 2. §, 1. causa efficiens & ejus requisita. §, 2. unde oritur jus alii imperandi Hobbes & Amyraldus refutantur. §, 3. quomodo cessat obligatio Legis. CAP. 3. §, 1. Materia Legis in qua. §, 2. Ex qua. §, 3. Circa quam. §, 4 & 5 explicatur quod. quibus Legibus subjectus fit Rex vel solitus? §, 6. An Lex in Angelos cadat? §, 7. objectum reale. a §, 8. usque 15 agitur quæstio: An detur aliquid bonum vel malum antecedenter ad voluntatem divinam? à §, 15 usq;

finem explicatur qvæstio : An detur actio indiferens? CAP. 4. Forma Legis. C. s. §, i. Finis Legis. §, 2. qv. Num sit de essentia Legis ut sit honesta vel justa? SECT. III.

CAP. I. §, 1. Affectionum divisio. Necessitas legum. §, 2. Obligatio quid? §, 3. ejus divisio. §, 4. An Leges humanæ conscientiam obligent? §, 5 & 6. brevitas & paucitas. §, 7. in quo consistat promulgatio Legum? Beccanus refutatur. §, 8. An Lex habeat vim obligandi ante promulgationem factam? §, 9. an obliget ignorantibus, facta sufficienti promulgatione? §, 10. Perspicuitas Legis. CAP. 2. §, 1. Affectiones disjunctæ. §, 2. mutabilitas Legis humanæ. §, 3. mutabilitas Judiciorum: Ceremonialis & forensis. §, 4. Legum Moralis, Nat: & Gent: immutabilitas. §, 5. Hahnii sententia refutatur. §, 6. argumenta pro vera sententia. §, 7. An DEUS dispensare possit in Lege vel Naturæ vel Morali? argumenta adversæ partis. §, 8, 9, & 10, argum. contr. allata refutantur. SECT. IV.

CAP. I. §, 1. Legis divisio ingenere. §, 2. Legis Divinæ divisio. §, 3. Legis Moralis divisio. CAP. 2. §, 1. quinque qvæstiones proponuntur. §, 2. Judicium de lege DEI æterna. §, 3. Censura de lege veteri & nova. §, 4. de distinctione Legis Moralis & Naturæ variæ sententiae. §, 5. vera sententia, falsæ refutantur. §, 6. diversæ sententiae de distinctione Juris N. & G. §, 7. sana sententia. §, 8. demonstrata causa efficiente J: G: clauditur.

I.N.J.

I. N. 7.

SECTIO I.

S. I.

Aud Philosophos, præcipue Scholasticos, longo temporis tractu, solennis obtinuit consuetudo, ut in aliqua elaboranda materia, explicationem Nominis, definitioni præmitterent: qui sane labores sua non caret utilitate, ubi nomen variis difficultatibus involutum deprehenditur. Multi tamen, plus quam par est in hoc negotio desudantes, mihi peccare videntur. Eximie scilicet sibi quidam gratulantur, si ex variis, obscuris, & anxie hinc & illic conquisitis derivationibus, significationibus, synonymisque ingentes turres extruere possint. Sed hi nihil aliud agunt, quam ut tenebras magis quam lumen obscuritati affundant, legentiumque animis, præcipue deliciorum (quorum proventu, si unquam alias, nostra abundant secula) & nauseam & vomitum moveant. Quapropter dubius sum animi quomodo hac in re memet geram, ne ab aliqua parte culpam incurram, si quidem nomen legis variis perplexitatibus, præcipue circa omorumiā

A

obſi-

obsitum esse solet. Sed tritum fertur sermone proverbium: *Medio tutissimus ibis.* Ideoq; quam brevissime fieri possit, nomen, priusquam ad rem ipsam fiat transitus, explicabo.

§. 2 Dicitur ergo lex secundum Ciceronem (*a*) vel à legendo, quia leges publice legi converant, teste Varrone. vel a ligando: legibus namq; subditi obligantur ad ea, quæ Magistratus ab ipsis requirit. Ideoq; heic loci (missis variis acceptationibus) *Lex* nobis nihil aliud significat, quam *normam, regulam & jussum supremæ Majestatis de faciendis vel omittendis.* Confer. Gerhard. (*b*) Non tamen quatenus a justa, honesta, & injusta seu in honesta præscindit, seu quæ directe contrariatur rectæ rationi & legi naturali; sed quatenus inde aliquo modo suos natales trahere possit. In hac ergo significatione, synonymum legis facimus *jus;* quāquā inter *jus & legem*, dari possit aliquale discrimen. B. D. Dannhaw. (*c*) auðtar: mor: p. m. 694. dicit illa differre ut *signū & signatum.*

§. 3 Qvando *Jus* facimus Synonymum *Legi*, observandum est illud quoq; esse πλύσημον. Accepitur namq; i. pro sententia Juris (*d*) et Pro

(*a*) de Leg: non procul ab initio (*b*) Lac Theol: Tom. 3. de lege p. 2. (*c*) auðtar: mor. pag. m. 694. (*d*) Beccan: Theol. Scholast. Tom. 2. Tract: de Ius & Jure c. 1. q. 1. conc. 1. § 2;

3

potestate & actione morali, quam quis habet
in rem aliquam; qvo pacto dicimus aliquem
uti suo jure, involvitq; respectum ad obligatio-
nem alterius; Adeoq; qualecunq; demum jus
sit, mox in altero respondeat obligatio aliquid
præstandi, vel saltem non impediendi, quo mi-
nus jure meo libere utar. Jus namq; omni-
um in omnia ab Hobbesio (*a*) confitum, mi-
nimè juris nomine dignum est, cum, ipso etiam
fatente, nullum habeat effectum, quod in mo-
ralibus idem valeat ac non esse (*b*) & quale
jus esset, cui alter pari jure possit resistere?
Quod jus innititur *Statui naturali*, ab eodem
excogitato Auctore; Quem tamen ipsa natura
socialis destruit. Ad societatem namq; omnes
nati sumus, quod constanti animo adserere non
veremur, contrariam licet sententiam Beccan-
nus (*c*) contra clarissimum Puffendorff: disputa-
tans, defendere conetur. Possent multa utilia
ad hanc significationem Juris disputari; sed ne
videar longius a via digredi, ad propositum re-
dibo. 3. Accipi solet apud Autores pro *justo & equo*; & sic relationem dicit ad aliquam *Legem*
(*d*) Et in hac acceptione triplicem, teste Becca-

A 2

no

(*a*) lib. 1. de civ. cap. 1 § 16. (*b*) Puffend. de
J. N. & G: lib. 1. c. 7 § 13 (*c*) in Polit. c: de
societ: (*d*) Beccan. supra cit. loc. Gwiliem. Grot.
de princ: J. & G. c. 2. §. 3.

no c. l. nanciscitur significationem; ut accipiatur 1. *Generalissime*, pro omni eo, quod legi est consentaneum; quod ab Aristotele vocatur *legitimum*, & sic re ipsa id em est, quod honestum. 2. *Minus generaliter* pro eo, quod alteri, ex quacunq; honestate seu æquitate, debitum est. Debitum autem ex mente Becani & Thomæ, est vel *legale* vel *moralis*; illud, quod alias vocatur debitum *Justitiae*, est ad quod alterum *jus & actionem moralem* habet, & ideo ratione illius iuris aliis obligatur lege justitiae ad aliquid rediendum: hoc autem est, quod non fundatur in tali jure seu actione, sed solum in honestate morali & debita rectitudine virtutis, quam quisq; servare debet in actionibus suis ad alterum. *Quisquis enim tenetur operari secundum legem virtutis, quamvis alterum verum jus ad hoc non habeat.* Sic tenor debito morali pauperi elemosynam dare, quamvis jus & actionem ad hoc non habeat. Et hæc Becanus satis operose; quamvis plane necius non sim, valde controverti & inter Scholasticos & Moralistas, *Num debitum morale differt a legali?* 3. Accipitur *Jus & Justum* stricte, pro *justo legali tantum*. 4. Pro *regula seu norma operis justi*, cuiusmodi regula est lex. Et in ultimis hisce significationibus a nobis accipitur *Jus*, ut *Synonymum Legis.*

SECTIO II. CAP. I.

§. I.

Cum de rō ȫ Legum, eo minus opus habemus dubitare, quo plures, non solum apud nos, sed & omnes gentes, conditæ extant, & quotidiè conduntur; mox ad C. L. ȫ transītum facimus, & brevitati studentes ad ipsam definitionem nos accingimus. B. Dn. Dannerus. (a) Legem definit, quod sit decretum obligatorium, factum à Principe (Deo vel homine) ad salutem cotius communitatis. Nos autem talem ex variis Auctoribus definitionem excerptam construximus: Lex est iussum obligatorium supremæ Majestatis, inferiori (seu subdito) datum, de faciendis & omittendis, ut recte & honeste vivatur. Quam mox explicandam aggredimur. Et ne leges Logicas vel contemnere vel negligere videamur, definitionis prædicatum (subjectum enim supra enodavimus) in conceptum convenientiæ & disconvenientiæ dispescimus.

§. 2. Conceptum convenientiæ, seu Genus, constituimus iussum: quippe quod lege notius est & latius patet. De illo neminem dubitare facile putem. Quod autem laxius sit, res ipsa demonstrat, quia privati homines, licet

A 3

man.

(a) aut: moral: in fine.

mandaverint aliquid, illorum tamen iusta vix
commode leges vocabis. Existimat quidam (a)
perinde est:, sive vocetur *decretum* sive *oratio*:
verum enim vero; per enunciationem seu ora-
tionem legem definiti posse, non facile nobis
persuademus: Quam etiam sententiam rejicit
D: Ofiander in Observationibus Grotianis (b)
dicens; *Qui volunt melius exprimi (puta ge-
nus) per orationem seu enunciationem univer-
salem, mihi videntur non satis attendisse ad
legis essentiam & universalitatem.* Nam si po-
namus enunciationem in ratione actus vel re-
quisiti, esse necessariam ad legem, non tamen
consequens esset, legem formaliter esse enun-
ciationem aliquam. Et paulo infra: *Nec pa-
ret quomodo lex naturalis, que proprias lex est:
possit dici enunciatio quedam universalis, cum
tamen talis dicenda foret, stante illa definitio-
ne universali.*

§ 3. Nec difficiemur legem esse *Regulam*,
cum D: Ofiandro, (c) quamvis quidam secus
putarint, dicentes hocce genus a posteriori es-
se desumptum & in relatione ad actionem. Sed
hi non videntur didicisse distingvere: inter le-
gem consideratam, antecedenter ad regulan-
dum, seu prout in legislatore conspicitur.

2. Mate-

(a) de J. N. & G lib. 1. cap. 6. §. (b) pag. m.
157. (c) obser. in Grot, pag. 257.

2. Materialiter & quomodo in parente proditur. 3. Concomitanter, quatenus in actione manifestatur, ubi identificatur cum actione, habetque tunc lex rationem formæ, motus autem physicus, materiæ. In prima significatione regulam contemplari potes vel σχέσιν & respective, in relatione ad actionem regulandam; vel absolute & absque aliqua σχέσει. Si in hac significatione adversarii accipient regulam, nihil omnino obtinere possunt; sin in illa, forsan aliquid. Quid? eodem etiam modo legem considerabis, si tibi placeat. Qvod autem nos non retinuimus regulam pro genere in nostra definitione, ideo factum est, quod jussum sit proprium, vox autem regulæ ex mechanicis huc transducta videatur. Hinc etiam pacta permissiones, consuetudinem, monita, & consilia prudencum, excludenda esse censemus.

CAP. II.

§. I.

Explicato sic breviter conceptu *convenientie*, consequens est, ut aliquam faculam accendamus conceptui *disconvenientie*; quem secundum quatuor causas: *Efficientem* videlicet, *materiam*, *formam*, & *finem* tractabimus. Dicitur ergo in definitione, ad indigitandam causam efficientem, Jussum supremæ Majestatis.

Qvo

Qvo ipso non cuivis homini (a) leges conde-re integrum esse indigitare voluimus; sed ab illo introduci obligationem, cui summa potes-tas competit. Quatvor namque, ut lex suum obtineat vigorem, in Auctore legum, neces-saria esse requisita, cum clarissimo Puffendorff: (b) judicamus. 1. Ut vires habeat malum ali-quod repræsentandi contumacibus; unde or-iatur metus, quo facilius subditus in officio contineatur. 2. Justas causas, quare postulare queat, ex suo arbitrio voluntatis nostræ liber-tatem circumscribi: legis enim duæ sunt par-tes, altera definitiva, altera vindicativa sive sanctio pœnalis. Duæ partes, inquam, ejus-dem legis, non duæ species legum. Nam uti supervacaneum est dicere, *fac hoc*, si præterea nihil seqvatur; ita abludum est dicere, *pænas dabis*, nisi causa quæ pœnam meretur fuerit significata: quas causas enumerat Puffendorff: de officio H: & Civ. sup: cit: loc. Si scilicet ab isto in hunc insignia beneficia sunt profecta; si constiterit istum & bene huic velle, & rectius quam ipse valet, eidem prospicere posse, simulq; si actu, iste bujus directionem habi vin-dicet, & deniq; si quis ultro se se alteri subjecit.

§ in

- (a) Beccan: Tom. 1. de leg. Cap. 1. q. 5. conc. 1.
 (b) de off. H. & Civ. lib. 1. c. 2. & J. N. & G. lib. 2. c. 6. §. 9.

En ipius directionem consenserit. Ex hisce requisitis consequitur, ubi talia inveniuntur, quando significavit suam voluntatem, mox oriri metum reverentia temperatum.

S. 2. Circa hoc momentum observasse jubarbit, cum requiri potentiam dicimus, non velle nos adserere, jus alii imperandi oriri a solis viribus, prout absurde & impie statuit Hobbes, (a) dum dicit: *In regno Dei naturali jus regnandi & puniendi eos, qui leges suae violant, esse a sola potentia irresistibili.* Qvem solide refutatum videbis a Nobiliſſ. Pufendorf. (b) Ideoque nos hoc labore supersedemus. donec occasio detur, (Deo volente) in ipso conflictu disputationis, de hac re nostram aperire sententiam; quin potius cum ſæpe ci-tato Dn. Puf. cumq; Dn. Doct. J. A. Osiand. (c) statuimus: *Jus Dei in homines ſemp̄ niti aliquo beneficio creaturis collato.* Substernit quidam Calvinianorū, Amyraldus, fundamen-tum imperio seu potestati ſolam ὑπεροχὴν, ſeu prætantiam naturæ, referente Osiandro: (d) Qvam absurditatibus obnoxiam esse ſen-tiam nemini non perſpicuum eſſe puto: quod

B

indi-

(a) *de Civ. cap. 5. §. 5.* (b) *de J. N. & G. Lib. I. cap. 6. §. 10.* (c) *Colleg. Syst. Theol. part. 6. pag. 163:* (d) *in Grot. pag. m. 100.*

indicasse est refutasse. Si autem aliquis ulteriore censuram desideraverit, amice eum rogamus, adire velit dictum auctorem I. c. ut & Clariss. Dn. Pufendorf. (a) Nam illorum argumentorum pondera in chartam coniecere hac vice, brevitas, cui studemus, prohibet.

S. 3. Requiritur 3. in Legislatore, ut lex suam vim directivam in animis hominum exercere queat, scientia & intelligentia, h. e. ut intelligat & sciat quid, quomodo, & ob quem finem praescribit, mandat & jubet. 4. Denique, ut is, qui imponit obligationem, non minus legem, quam ipse se subditis notum faciat. (b) Unde concludimus, legem, quam tulit olim Tyrannus ille Romanus *Caligula* suis subditis, vere & proprie legis nomen non mereri: de qua sic *Suetonius* (c) Tandem efflagiente P. R. proposuit quidem legem, sed & minutissima literis & angustissimo loco, ut ne cui describere liceret, &c. Si vero quis antea sibi cognitam legem tradat oblivioni, mox non solvit ideo obligatione. Hoc ut melius intelligatur, ex re esse videtur explicare, quando cessat obligatio legis. Solent accuratiores statuere: Legem tolli, i. sublata potentia ejus, a quo obligandi vim babet. 2. Cef-

(a) *Puf. de I. N. G. lib. 1. cap. 6. §. 11.* (b) *Puf. de off. H. & Civ. pag. 34.* (c) *in vit. Calig.* p. 324. cap. 41.

sat lex effante ratione legis. Quod non ita
capiendum, quasi lex ex se exhibaret; sed quando
Auctor legis demonstrat se velle illam ulte-
rius non manere. Interea sat pro lege voluntas.
3. Mortuo illo, qui praestaree legi obedientiam,
ulterius non obligat lex. 4. Si fuerit tempo-
raria, elapso tempore, nisi nova abhuc Impera-
toris, de eadem retinenda, accesserit promulga-
tio, exhibrat. Et tantum de illis, quæ ad Cau-
sam Efficientem legum spectant, dicta sunt;
Materia ergo jam explicanda venit.

CAP. II.

§. I.

Materia legum est vel in qua, vel ex qua, vel
circa quam: de materia in qua seu subje-
cto inhesionis Scholasticis inutilis agitatur con-
troversia: An sic *Aetus intellectus, voluntatis, aut utriusq[ue]?* (a) Nos missis ejusmodi nugis
& rixis, cum accusationibus Moralistis Legem
posse spectari putamus. 1. In se & formaliter. 2. In
Legislatore 3. In subdito, ut existat. Primo modo
nihil aliud est, quam quedam regula, mensura,
& norma, nos in nostris actionibus dirigens.
Secundo modo est actus, quo judicatur, vult, & im-
perat. Primus est intellectus, ubi judicatur quid
expedit. Secundus voluntatis, ut exprimitur,
quid voluntati Legislatoris sit conforme. Ter-
tius est signum & exercitium potestatis, ejus
(a) cit. Rudrauff. Phil. Theol. p. 366. qui

qui ita judicat & vult, quid fieri, aut non fieri debet. *Tertio modo* lex est judicium practicū, quo subditus judicat regulam à superiori latam servandam esse; & hoc modo lex ad intellectum, non ad voluntatem pertinet. Et sic Beccanus (*a*) existimat Thomam vel Thomistas, pro intellectus, & Scotum atq; Bonaventuram pro voluntatis actu pugnantes conciliari posse, quod etiam nos putamus.

§. 2. Materiam *ex qua* statuimus esse verba ipsa seu præcepta, quibus concipitur lex; & hæc sunt vel *positiva*, vel *negativa*, jubentia vel prohibentia.

§. 3. Materia *circa quam* seu objectum (ut vocant Metaphysici) est duplex: (*b*) *reale*, vel *personale*. *Personale* est persona aliqua, facultate morali prædita passiva, qua potest obliganti exhibere officium, quod ab eo requirit. Cum dico *personam*: intelligas velim substantiam aliquam intelligentem, quo bruta & reliqua entia à *hoyæ* merito excluduntur; quæ, ut supra dictum, sunt inhabilia ad obligationem recipiendam: nam ibi non est aliqua potentia libera, quæ in utramq; partem facile flecti potest: frustra enim regula præscribitur illis, qui necessario, & ex necessitate naturæ agunt,

ut

(*a*) *Theol Schol.* Tom. i. part: 3. l: c. 1. q. 1. p. 236.

(*b*) *Danth: auct. Moral.* pag. m. 698.

ut non possint non agere: Ita & haec poten-
tia libera solum est in voluntate, quæ nulla ra-
tione cogi potest, quo ad ullum suorum actu-
um. Vid. Wanoch. (a) De vocabulo Faculta-
tis hoc quoq; notandum: quod subditus non
mox solvatur obligatione, si facultatem implen-
di legem suam in posterum perdiderit, propria
culpa, (b) sed relinquitur Legislatori potestas
penam exigendi econ nomine, quod legibus suis fa-
tis fieri nequeat. Et sicut ex voluntate ipsius
Legislatoris lex pendet, ita etiam quemcunq;
voluerit, obligare potest, sive id fiat universali
aliquo edicto, vel restrictione ad certam per-
sonam. Potest namq; speciali aliquo privile-
gio certam aliquam personam eximere obliga-
tione legis, si voluerit. Sed hic oritur gravis
controversia: Num dispensatio fieri possit in o-
mni lege, adeoq; in lege naturæ? Quam quæ-
stionem decisam vide infra.

PUNCT. I. ART. I.

§. 4. Circa hoc momentum Politici quære-
re solent: Num Princeps sit solitus legibus, seu
ex lex? Resp. Omnes, quibus sanum principut,
mecum affirmaturos credo: Regem vel Prin-
cipem esse subjectum omnibus illis legibus, ad
quas consideratur ut homo, quæ sunt Lex Mo-

C3

realis

(a) Disq. Pract. part. Spec. c. 7. sect. 2. Q. 2.
(b) Pufend. de I. N. & G. pag. 99.

ralis, Naturalis, & Gentium. (a) Nulla enim
 hic dicitur, nec coronatio hominem in De-
 um mutat. De legibus fundamentalibus ma-
 jor est lis. Henninges in Observ. Grotianis
 (b) Respondet: leges fundamentales non hue
 spectare: nam sunt saltim pacta inter Regem,
 quae homo, & subditos. Tenetur ergo servare il-
 las leges ex debito juris naturalis, & quidem
 ex primo precepto, & unico illo, in quo fun-
 datur totum ius naturae: Honeste est vivendum;
 & ex juris genrium precepto primo, quod
 tanquam mater est reliquacum omnium con-
 clusionum & preceptorum in illo jure, *Quod*
tibi non vis, fieri alteri ne feceris. Hoc idem
 videatur insinuare Excellentissimus B. Dannh.
 (c) dum dicit Ex quibus constat, (scil. supra
 disputatis) Si leges superiores antiquare pos-
 sit, tamen sis principem teneri, quos se servatum
 sancte recipit; id enim pertinet ad pacta
 & conventa, quibus servandis summi Principes
 obligati sunt. Cadit etiam ipsa fides in prin-
 cipem, non quatenus Princeps, sed quatenus bo-
 mbo. Hanc eandem tibiam occulte & tacite in-
 flare videtur orbis literati hujus ævi facile Prin-
 ceps, Excellentissimus Dn. Doct. Joh. Adam. O-
 stander, (d) quam quoq; sententiam nos appro-
 bamus.

Art. 2.

(a) Dannh. audt. Mor. p. 699 [b] p. 419 & 420. (c)
 audt. Mor. p. 700. (d) Coll. Syst. Th. part 3 p. 4.

ART. II.

§. 5. De legibus *positivis* disputatur inter Politicos: nos breviter cum s^epe laudatis Osiandro, (a) & Pufend. (b) Regem vel Principem solurum esse legibus hisce, aut potius superiorem intelligi debere: nam summo superius nihil esse potest: nec quisquam ipse sibi obligari potest, aut lex esse. Qui subest legi, is etiam subest coactioni, nemo autem a se ipso cogredi potest absque contradictione. Osiander (c) in quadam sua response ad argumenta contraria sic differit: 1. *Falsum est leges superiores esse Rege, & auctoritatem illarum eminere, nec de legitimi, quidem & pactionati Regni verum est absolute, leges esse superiores Rege: multo minus de regni absolute talibus, ideo quia potestas legislativa est in ipso Rege, atq[ue] illa potestas unoq[ue] illius partem iurium Majestatis facit.* Et paulo infra: Postro quod in regno fundato Rex teneatur respicere ad leges, non tamen subest nisi ratione directionis, quatenus lumen ipsi effundunt in administratione & exercitio regiminis, non ratione coactionis, quasi obligatus esset illis, & devius ab istis, excederet dignitate sua. Hae ille & quidem solide & more pro solito.

Punct.

(a) cit. loco part. 8. Tbes. 1. (b) de j. N. & G. lib. 7. cap. 1. § 3, (c) supracit. loco.

PUNCT. II. ART. unic.

§. 6. Adhuc ulterius quæstio moveri potest:
An lex aliqua in Angelos cadat? Resp. A nobis supra disputata, si modo quis animum advertat, facile responsonem subministrabunt: Dilatetur vocis significatio, cum requisita, quæ ad recipiendam obligationem necessaria sunt, in illos cadunt, quæ vide supra; ipsa quoq; præterea Scriptura Sacra angelos peccasse testatur, dicens (a) εἰ γὰρ ὁ θεὸς αγγέλων ἀμαρτησίων ἐκ ἐφείσας, ἀλλὰ σειρῆς ζόφες περιφέρωσας, παρέδοκεν εἰς κείσιν τὴν πηγμένην. Peccare autem supponit aliquam legem, quam violassent: nam πᾶς ὁ πιῶν Γῆν ἀμαρτίαν, καὶ τὴν ἀνομίαν ποιεῖ: καὶ ἡ ἀμαρτία οὐκ ἡ ἀνομία (b) Sed dices: Boni non possunt peccare; mali non possunt non peccare, ergo non liberi sunt, sed ex necessitate agunt. Resp. 1. de malis potest supra desumi ratio, scil. quod obligatione non solvantur ideo, quia libere & voluntarie perdiderint suam potentiam implendi legem. 2. Libertas voluntatis non consistit in indifferentia ad utrumq; oppositorum: nam in quantum voluntas dicitur libera, debes intelligere quatenus est naturale aliquid agens & Physicum, ubi nec bonitas nec malitia: Si vero moraliter eam specta-

(a) 2. Pet. 2. v. 4. (b) 1. Job. 3. 4.

spectaveris, non est libera, quia lex ipsam ad certum quid faciendum constringit. Ideoque 3. quamvis sint confirmati in bono, ut non possint non bene agere, non tamen propterea in illis expicit ratio legis: confirmatio namq; in bono (ut ex meo iudicio loquar) est donum aliquod gratiosū, ex mera Dei bonitate & libera voluntate pendens; Lex autem stringit, solum *ipsorum esse naturale*, quatenus circa hoc vel illud libere versari possunt. Ideoq; 4. hic non est aliqua vera oppositio vel incompatibilitas.

S. 7. Objectum reale videtur mihi commodè dispesci in *materiale* & *formale*. Illud sunt actiones humanæ libertæ, quæ sunt vel bonæ vel malæ, vel indifferentes. *Formale* vero quatenus ad certum quid sunt determinandæ. Lex præcipit actiones bonas, prohibetq; malas; quod si aliquæ in sua specie sunt indifferentes, præcipit eas, quæ ad certum finem consequendum sunt idoneæ; prohibet vero quæ finis assecutionem impediunt. Beccanus (a) duplex ponit discrimen inter legem affirmativam, quæ præcipit, & negativam quæ prohibet: unum quia negativa prohibet omnes actiones malas, affirmativa non præcipit omnes bonas. Non tenemur omne bonum facere, sed tenemur ab omni malo abstinere; Alterum di-

C

scrimen

(a) *Theol. Schol. Tom. 1. pag. 277.*

scrimen est, quod lex negativa prohibeat malum in omni tempore, & pro omni tempore; Affirmativa non præcipit bonum pro omni tempore: semper enim tenemur abstinere à quocunq; malo, non autem semper tenemur facere quocunq; bonum. Utrumq; Membrum solicitat Gisb. Kockius, (a) sed frustra.

PUNCT. III. ART. 1.

§. 8. Supra diximus actiones bonas, mala^s & indifferentes. Ne videamur committere fal-
laciām petitionis principii, vel falsae hypothēsios,
quin sententiæ nostræ robur conciliemus: cum
per plurimos, eosq; acerrimos habeat oppugna-
tores; non inepte hic quæri posse putamus:
1. An dentur actiones humanae ex se & sua na-
tura bonæ vel male, non habito respectu ad pra-
ceptum aliquod legale? 2. An detur aliqua a-
ctio indifferens, que in se & sua natura neq;
sit bona vel mala? Respond: ad primam quæ-
stionem, quæ idem valet, ac si quærerem: An
detur aliquod bonum antecedenter ad volun-
tatem Divinam? Affirmando cum nostra-
cibus utpote Joh. A. Osiand. (b) Rudrauff.
fio (c) & aliis. Affirmant queq; Scholastici,

Beca.

(a) vid. Rudrauff. Phil. Theol. pag. 371.
(b) Colleg. systh. part. 4. pag. 256. (c) Philos.
Theol. de lege pag. 372.

Becanus (a) Scotus (b) Gabriel Vasquez, ut & Alorius, Casista Pontificius, non postremus. Calviniani, utpote (citante Osiando (c) Szydlovius, qui Meisnerum sugillat hac in quæstione: Wilhelm. Tavisse Theolog. Leidenfis, Samuel Rhetorfortis, ut & Pufendorf. de Jure N. & G. (d) Cockius (e) directe quæstionem negant, suspendentes omne bonum ex voluntate Dei. Hobbes. (f) bonum morale pendere ex voluntate hominis statuit, vel privati in statu *naturali*, vel publici in statu *sociali*, quam sententiam superstruit falso fundamento: singit namq; statum quendam naturalem, ubi nulla fuerit conjunctio societatum: nihil meum, nihil tuum, nihil bonum, nihil malum, Jus omnium in omnia: & quæ id genus sunt alia. Vide sis Amplissimi & summo cum honore nominandi Praceptoris mei Mag. Andr. Wanochii Disquis. Pract. (g) Samuelis Strimesii Praxiolog. (h) Pufendorf. (i) Rachel. (k)

C 2

qui

- (a) sup. citat. loco. (b) 3. sent. 37. qu. un: (c) Colleg. syst. Theol. P. 4. pag. 256. (d) pag. m. 25. lib. 1. cap. 2. §. 6. & pag. 162. (e) contra Be- canum vind. pro relig. in Reg. Dei Nat: p. 14. & 15. (f) quem vid. c. 1. de Cive. & Leviath. c. 14. (g) part. spec. cap. 8. quæst. 3. §. 9 p. 587. (h) p. 28. (i) de jur. N. & G. §. lib. 2. c. 2. 6. 7. 8. &c. (k) de J. N. G. pag. m. 106.

qui omnes eum solide refutarunt. Negat præterea Johannes a Rada (*a*) cum aliis Scotistis, fundamentum bonitatis ponens imputabilitatem, cui fundamentum substernit libertatem: & hanc unicum dicit esse causam, cur brutis, neque homicidium, neque furcum, adulterium &c. imputari possit. Addunt Scotistæ rationem circumstantiarum. Fabrum hujus sententiæ dicunt esse Ægidium de Kœning. (*b*) Nos missis hisce absurditatibus ad nostram roboretandam sententiam pergimus.

ART. II.

§. 9. Ut hæc dicta à nobis allata magis rata & firma judices, tuum advertas animum, quæsto, ad seqventium argumentorum pondera. Qvo autem feliciori pede in hoc negotio progressi possimus, omnia nobis ex vivo (ut loqui solent) resecanda sunt, & ex ipsis fundamentis repetenda. Docent Metaphysici in concipienda essentia alicujus rei clarè & distinctè, necessarium esse, prædicare essentialia & quidditativa distinctiones ab accidentalibus & paronymicis, ipsaque attributa à se invicem, & quæ sequuntur ipsam essentiam, vel mediate vel immediate. Ergo non incommodè queritur: *An lex Dei, quatenus intra essentiam divinam præcia*
se

(*a*) Tom. 3. controv. inter Scot. & Thom. art. 18.
(*b*) Disp. 8. dub. 1. concil. q.

se, nude & intransitive spectatur, sit attributum DEI vel mediarum vel immediatum? Ad quam questionem sine dubio nihil aliud commode responderi poterit, quāquod sit medium. Est namq; unum decretorū Dei. Decretum autem supponit pro fundamento aliquam voluntatem, voluntas autem essentiam, ex qua necessario promanet. Cum ergo Attributa illa divina omnia adeo sunt connexa, ut unum ab alio minimè separari possit: unum namque & idem sunt in sensu materiali, qvamvis formaliter differant, ut loquuntur Metaphysici, seu qvo ad nostrum concipiendi modum. Hinc ergo attributa contraria neq; implicitè neq; explicitè in una essentia, præcipue in tali essentia, ubi non est realis distinctio, inter essentiam & attributum, neq; inter attributa invicem, absq; negatione & positione simul ejusdem essentiae, statui possunt, quia contradicit primo principio theoretico: *Impossibile est idem esse, & non esse simul.* Jam novimus omnes & Theologos & Pneumaticos attributum DEI facere bonitatem, quæ immediate fuit ex ipsa essentia divina: unde consequitur ex supra disputatis, voluntatem divinam nequam potuisse, nec adhuc posse velle, qvod huic ejus bonitati contrarium est. Nam sicut bonitas & voluntas materialiter idem sunt

cum

cum essentia divina; Ita inter se minimè pugnare possunt hæc attributa.

PUNCT. IV. ART. 1.

§. 10. Sed posset quis obijcere: *bis confundi bonitatem Metaphysicam seu essentiam cum moralitatem*, quæ tamen sunt distinctæ res; adeoq; nihil *bis* concludi. Sed ut melius hæc percipientur videbimus 1. Quid bonitas *Metaphysica* sibi velit. Nempè ea est, quæ dicit congruentiam cum voluntate divina, seu quæ dicit mihi rem ipsam talem esse, quam voluit ipse DEUS. 2. Hinc ergo non absurde statui credo, illam bonitatem esse objectum primarium amoris divini: voluntas enim DEI tendit semper ad perfectissimum: si hoc, utiq; ipsa voluntas, que est adjunctum (a) modificatur qua suos actus secundum suum objectum; ut non possit velle aliud contradictorium; nam una potentia non potest versari directè circa duo contradictoria. 3. Si jam bonitas DEI essentialis, ut supra disputari audivimus, sit objectum voluntatis, & hinc DEI; utiq; sequitur, DEUM non posse velle malitiam sui, hoc est, ut malit se non esse. Adeoque cuivis perspicuum esse mihi persuadeo, bonitatem essentiam, fontem & scaturiginem esse bonitatis moralis, & sic aliquid esse & dari, quod DEUS

nos

(a) Rudrauff. Metaph. de sub. § Adj.

non potest non velle. Ni alias negaret se ipsum,
& sic mendax esset; quod cum peccatum sit,
cogitare, quid ergo non solum effutire, sed &
ratiociniis niti probare?

ART. 2.

§. II. Sed jam Szydlovum murmurantem
audio, DEUM omnia posse, quia omnipotens,
adeoq; semetipsum blasphemare, odisse &c.
aliumq; cultum præscribere, quamvis contra-
dictionem involvant.

Sed Reip. 1. Concedendo DEUM esse omni-
potentem 2. Adhuc sub judice litem esse, num
ad contradictoria possit extendi potentia divi-
na? 3. Distingu. inter *contradicторia*, quæ ter-
minantur, vel *intrā*, vel *extra* essentiam Divi-
nā. Illa licet DEUS minime possit, non propte-
re minuitur ejus potentia; nam potius tolleret
hoc potentiam, quam periret. Hæc autem
DEUM posse cum celebriorib⁹ concedimus, qua
de re videantur Excell. Dn. M. And. Wanoch.
(a) Hülsemannus (b) & alii. Sed hæc omnia
sunt contradictoria primi generis, ergo non
potuit. 4. De cultus immutatione quod dicitur.
Respondemus distinguendo cum Osiandro: (c)
inter ipsam substantiam cultus, & modum ejus-
dem. Hoc modo cultum DEUS utique varia-

(a) Disq. pract. p. 513. (b) Vind. script. p. 21.
eniant. eodem (c) Coll. Syst. Theol. Tom. 4. p. 258.

re potuit, præscribendo hunc vel illum cultum
 accidentaliter diversum; at in essentia cultus
 impossibile est eum potuisse se aliter habere, aut
 manifestari, vel planè se abdicando, vel opposi-
 tum secundum substantiam præscribendo: nam
 adorabilitas est Deo naturalis. Sed oggerit:
DEUS liberrime præcepit, & quidem ita, ut po-
 ruerit aliter præcepisse, ideoq; ex hypothesi tan-
 dum mandati divini ista sunt vitia; & video-
 tur hic presupponi, quasi mendacium esset blas-
 phemia Deum afficiens aliquo modo; quod
 prorsus est falsum. Resp. 1. non sequi: Liber-
 time præcepit, ergo potuit aliter præcipere;
 ita enim liberrime præcepit, ut tamen neces-
 sario præceperit simul: necessitas qvippè & li-
 bertas non pugnant; & falsissimum est, DEUS
 se libere habet ad illa: Ergo se qvoque aliter
 habere possit; nam formale libertatis non con-
 ficit in indifferentia ad utrumq; oppositum seu
 contrarium, ut supra dictum est. 2. Qvomodo
 aliter potuisset præcipere cultum, supra dixi-
 mus. 3. Qvod ista non solū ex mandato di-
 vino sint vitia, supra qvoque monstratum est.
 4. Qvod omnino blasphemia afficiat Deum,
 nulli non vel inde constabit, qvia homo, ra-
 tione dependentia à DÉO, obligatur aliquod
 debitum DÉO præstare, ob id beneficium: si
 ergo blasphemat, denegat ipsi suum debitum:

jus

ius ergo eum puniendi habet. E. g. Si Szydlovius blasphemia afficeretur a suo filio; nonne illa blasphemia ipsum afficeret? si afficeret, ipse sibi contrarius est. Si negaverit, poenas ferat filius, quod non quævis scommata in patrem suum evomat, immo & vitam ipsi adimatur, cum patrem non afficiat! Pergit ad huc: *DEUS simpliciter ad omne extra est exlex*, ut statuunt Scholaftici. Resp. 1. Ego autem scire aveo, quomodo justitia divina *punitiva*, quæ se ad extra habet, possit consistere cum dictis hisce? quia non potest non de peccatis supplicium sumere. 2. Concedimus DEUM esse exlegem, vocabulo *legis accepto formaliter, quatenus est regula homini fixa*, non tamen est exlex *objective*, ut oppositum aut facere possit, ut non credat se esse infinitum, aut aliis illud mandet. Iterum excipit Calvinista: *DEUM sepe mandare, quod non vult, ut patet exemplo Isaaci immolandi.* Resp. Propè dixerim Szydlovium parcere veritati, dum DEUM dicit mandare, quæ fieri non velit, quod falso superstructum est fundamento distinctiouis, quam tradunt Calviniani, inter voluntatem signi & beneplaciti: De Isaaco vide infra.

ART. 3.

S. 12. Ex discursu cuiusdam viri inter doctos non infimi commatis, hujusmodi colligere

gere possum Argumentum : Si omnium bo-
 narum & malarum actionum regula & norma
 sit lex DEI, adeo ut honestas omnis, & turpi-
 tudo, quae sunt affectiones moralitatis,
 nulla ratione intelligi possunt absque lege, se-
 quitur, nihil esse malum, nisi prohibitum, ni-
 bil bonum, nisi lege praceptum; adeoque bonita-
 tem & maliciam actionum moralium non su-
 spendi, nisi a sola lege, & consequenter volun-
 tate DEI liberrima. Atq[ue] prius est verum & post-
 Prius probatur: quia nisi revelaret nobis DEUS,
 quid velit pro peccato habere, nesciremus, nec
 peccaremus, quia non peccatur nisi contra le-
 gem, etaque non natura necessitate, sed liber-
 rimè a DEO latam: tolle enim legem & statim
 pones indifferentiam actionum. 2. Dicit: Et
 sane qui extra impositionem divinam morali-
 zatis actionum humanarum aeternam aliquam
 statuunt legem, nihil aliud mihi videntur a-
 gere, quam ut DEO adjungant principium alii
 quod coeterum extrinsecum, quod ipse in af-
 signandis rerū formis sequi necessarium habuerit.
 Sed nos Resp. ad prius 1. Ad probationem,
 concedendo hac ratione hominem non potu-
 isse scire, quid rectum vel iecus esset. 3. Negan-
 do, mox tolli omnem rectitudinem, vel diffe-
 rentiam honesti & turpis. Hinc ergo 3 Di-
 stingendum putamus inter principium radi-
 calis

cale bonitatis, & manifestativum. Ignorantia illa oritur ex defectu hujus, differentia seu discrimen originaliter & fundamentaliter ex ihsu. Ex quibus dictis non difficile est judicare de argumento allato. Respondemus ergo ad illud s. concedendo, quod lex DEI sit regula omnium actionum humanarum, adeoque peccatum re&è definitur à Spiritu Sancto (a) quod sit aversio, seu transgressio legis. 2. Negando, mox sequi, nihil adhuc sese antecedenter habere posse ad voluntatem divinam. Res Exemplis illustrari posset, si tempus ferret. Ad posterius Resp. 1. Quomodo naturalis DEI bonitas sese ad voluntatem divinam habeat, satis supra monstratum esse confidimus. 3. Falsum est illud, quod mox hinc sequeretur, aliquod Externum principium, quod DEUS imitaretur; sed illud est internum.

ART. 4.

§. 13. Excipit quidam Calvinista adversæ partis factor 1. Quod hoc posito, sequeretur peccatum definiri non posse per transgressionem legis, quod tamen supra assertebamus, sed voluntatis & naturae DEI, quod est absurdum. 2. Nulla transgressio voluntatis, fieri potest: DEUS enim quidquid vult facit, nec sine suo unquam excidit. (b) Resp. 1. satis aperte monstravimus, quod lex

D 2 & vo-

(a) 1. Job. 3. 4. (b) Thren 3. v. 37, & 38. Es. 44. v. 10,

& voluntas non debeant *opponi*, sed *subordinari*. Et sic 2. non sequitur quod infertur; nam lex est ipsa declaratio voluntatis, tanquam regula proximior, volūtas remotior, natura autem Dei remotissima. 3. Absurde dicitur (4) nullam transgressionem voluntatis Dei fieri posse; hoc enim nititur falsa hypothesi Calvinistica, nihil posse fieri contra voluntatem divinam; quod nondum probavit. E. 4. petit principium

ART. 5.

§. 14. Objicit adhuc Calvinista: *Concesso hoc, concedendus esset aliquis effectus in Deum non reducibilis. Sed falsum conf. E. Anteced. Minor patet indè, quia impossibile est aliquem esse effectum non dependentem à causa prima, nulla enim res potest operari absque concurso DEI; quia quale quid est in essendo, tale in operando. Major etiā patet; illud namq; antecedenter bonum ad voluntatem divinam, & consequenter, non est effectus, quia Deus non voluit, cum tamen voluntas divina sit causa efficiens omnium eorum, quae sunt extra Deum.* Resp. i. concedendo canonem Metaphysicum quoad operationem *physicam*, seu effectum physicum producendum. 2. Negando illud *antecedens, bonum ad voluntatem DEI in rebus creatis se habere per modum effectus, sed per modum Ideæ sanctitati & perfectioni divinæ conformis.*

(a) Szydelovio.

g. Dist.

3. Dist. inter effectum physicum & moralem : ille
in Deum est reducibilis, hic non omnis : nam
quamvis peccatum (puta peccatum commis-
sionis, seu quod est contra præceptum negati-
vum, & quidem habituale, non vero simplicis
omissionis, aut nudæ dispositionis) non tantum
quoad suum materiale, sed & formale, non sic
nuda aliqua privatio, sed dicat aliquid positivi
(*a*) (scil. in sensu *moralis*, non vero *Metaphysico*,
quia malum *Metaphysicum* nunquam datur,
nec dati potest) non tamen sequitur hoc effe-
ctum reduci posse in Deum. Nam Deus con-
currerit ad *materiale remotum actionis*, & hoc
neque bonum neque malum est moraliter, non
tamen ad *materiale proximum*, multò minus ad
formale, quia utrumque horum est malum, &
neutrū Deo imputari potest. Causa est : quia
materiale physicum, seu *actio physica* : fluit ab
ipsa *natura rei*, cui nulla *scripta est regula* ;
nam hæc *natura*, quatenus universaliter specta-
tur & indeterminatè, agit ex necessitate *natura*,
& ad unū determinata semper. Quatenus autem
in illa *actione conspicitur aliquid moralitatis*,
putatur manare ex libera aliqua facultate, quæ
ad unum determinata non est ; sed ad utrumq;
æqualiter. Male ergo Calvinista confundit

D 3

mo-

(*a*) *conf. Wanoch. Disq. pract. ubi contra
Musæum disputat.*

moralia cum naturilibus, quæ toto cœlo di-
stant. Plura qui desiderat, adeat tam Theologos,
quam juris naturæ Doctores, mihi brevitati li-
tanti allata sufficiant.

PUNCT. V. ART. 3.

S. 15. Altera quæstio cuius explicationem pollicebamur, est hæc: *An decur aliqua a-*
ctione indifferens? Quanto in superiori Qvæstio-
 ne prolixiores fuimus ob ejus summam & ju-
 cunditatem & utilitatem, tanto breviores eri-
 simus in hac. Observandum ergo heic, non
 quærid de indifference astuum, quæ est *duvápe-*
ns, seu facti, sed *ięgęies*, seu juris. 2. Quo-
 que hanc actionem dupliciter considerari pos-
 se, vel quo ad speciem, quomodo dantur actiones
 indifferentes: vel quoad individuum, quomodo
 non dantur actiones indifferentes. Illud membrū
 negant. Wasquez. Scotus &c alij: affirmant vero
 Osiander, (a) Wanochius (b) Rudraufius (c)
 Beccanus (d) Thomas Aquinas (e) multiq; alii:
 Cui sententia nos subscribimus. Hoc mem-
 brum Affirmant Arriaga & alij; negant ve-
 ro jam modo recensiti auctores, in qvorum
 placitis quoque nos acquiescimus.

ART. 2.

(a) Colleg. Syst. Tom. 5. p. 246. (b) Disq. Pract.
 p. 704. (c) Phil. Theol. in Tract. de lege in gen.
 (d) Theol. Schol. Tom. 1. tract. de lege. (e) I.
 secunda qv. 18. a. 2.

ART. 2.

§. 16. Præter testimonia S. Patrum, præcipue S. Hieronymi, (a) tam ex Sacra Scriptura, (b) quam sana ratione probari potest membrum prius. Ast rem unico exemplo monstrasse sufficiat: Ante legem latam Civitatis transire muros, neque bonum neque malum sensendum, sed accedente interdictione Regis, propter mala illa, quæ ex accidenti hinc fluere possent, poena & multa taxatur. Si vero dicat aliquis: *Omnibus nostris actionibus esse positam regulam, ergo eam vel bonam vel malam esse debere.* Resp. 1. Non esse positam regulam omnibus nostris actionibus formaliter, scilicet ut hæc vel illa actio prohibita vel mandata sit. 2. Concedendo materialiter, hoc est, ut nulla sit actio, consideratis circumstantiis omnibus, quæ ad aliquam legem reduci non possit. 3. Sed hoc non est in specie, sed in individuo considerare actionem: idoque 4. Argumentum sapit ignorationem Elenchi.

ART. 3.

§. 17. Posterior membrum satis patet ex prioris resolutione. Quandocunque enim actio secundum suas circumstantias consideratur, necessario reducibilis est ad aliquam legem, &c.

(a) Epist. secunda ad Auguft. (b) Rom. 14. 5. 26;

sic bona vel mala. Sumamus exempla supra allata, V.C. De transitione murorum, quod ita considerandum: prohibitum est hoc factum lege Majestatis: sed qvare ideo malum est? qvia id Rex voluit; qvarè sic? qvia, qui non obtemperat Regi, peccat; sed qvare peccat? qvia lex Dei dicit honora parentes, Rex autem meritò vocatur pater. Ita de saltatione judicandum: quæ in se neq; bona neq; mala; sed adde circumstantias, utpote quod quis saltaverit ex illicebarum & libidinis æstu cum Herodiade, (a) qui mos [proh dolor] plusquam frequens est apud nostros juvenculos & virginis, mala censetur. Si vero cum David (b) ob honestum usum & finem bona censenda erit. Sed dicas: *Ipsam saltationem neq; malam neq; bonam, sed saltim intentionem, & sic confunduntur non confundenda.* Resp. i. Qvatenus præcise agimus de legibus, & non in aliquo certo statu, solum quoad actus elictos non spectari debere, sed quoad imperatos: nam qualitates illæ morales non eandem cum naturilibus obtinent rationem, in his namq; fundantur, & impossibile est illas existere vel produci absq; his: *bus* sunt entia vera & *realia* abstractive considerata, illæ autem non habent aliquam entitatem *Metaphysicam*, si abstracte

con-

(a) Matib. 14. v. 6. (b) 2. Sam. 6. 14.

considerentur, sed *Concrete* cum Eis: & hic
quod *naturale* est, ut *materiale*, *morale* vero
ut *formale* sese habet. Adeoque et negamus,
hic confundi non confundenda. Qvod Demon-
strandum erat. Sed objicis: *Aitio* datur in *spe-
cie* *indifferens*, ergo in *individuo*: quia *specie*
es includit *individuum*: Resp. Individuum &
Species possunt dupli modo intelligi, vel *no-
tionaliter*, *formaliter* & *concupitatis*, vel *rea-
liter*, *materialiter* & *περιγνωμηνως*. Illo mo-
do si intelligantur concedimus; si vero poste-
riori negamus.

CAP. IV.

§. I.

Postquam materiam Legum, ut potuimus, consideravimus, ordinis ratio requirit, ut de forma Legum agamus; Qvam facimus, praeceptum summe potestatis obligatorium, ad actiones honestas: prout posuimus in ipsa definitione: Nam hæc ratione distincta Lex nanciscitur essentiam a consilio, Monitu, Pacto & mandatis privatorum. Liebenthal (æ) ponit formam Legis in generalitate, brevitate, bonitate, in mandando, non disputando: Sed non possum videre, quomodo hæc a priori Legis essentiam constituant, quæ potius sunt affectiones, qvam

E forma

(a) Polit. de lege pag. 566.

forma à priori, quam nos venamur. Existimant quidam *obligationem* nulla ratione posse ingressi formale Legis à priori, sed esse Legis *essentialis consequens*, quia , dicunt Legem deum producere obligationem in subjecto. Verum enim vero 1. Nos non negamus, obligationem produci in subdito , beneficio Legis; sed 2. illi non dextrè explicant nostram sententiam: nos enim non intelligimus illam obligationem, quæ producitur in subdito, sed vim obligandi; seu vim producendi obligationem in subjecto ; adeoq; videtur mihi nostra sententia haud procul distare à B. Dannhaweri (a) dicentis: Formā Legis non esse aliam, quam normam ac mensuram actionum honestarum coetivam. Intellige coactionem non *Physicam* sed *moralēm*, scilicet ut quis non honeste contrarium facere possit.

CAP. V.

§. I.

Sicut omnes nostræ actiones gloriam DEI , Ultimam sibi metam constanter prædestinatam, ad quam tendant, habere debent ; ita quæcunq; tandem fuerit actio, *ultimus* finis & scopus ipsi præfinitus erit, & esse debet, eadem gloria summi & altissimi Regis & DOMINI ; si alias

(a) *auct. Moral.* p. 702.

alias Lex nominanda sit. Ex hoc *sine facilest* judicare, qvalis sit *proximus*, cum inter fines erit subordinatio: ideoq; eum in definitio-
ne nostra, his verbis expressimus: *ut recte & honeste vivatur*. DEUS enim dedit nobis Le-
gem, ne quid ipsius sanctitati, justitiae, & boni-
tati contrarium committeremus inscii; Adeo-
que, si homo transgressionem aliquam ficeret,
non haberet quod excipere posset, contra ju-
stas & debitas poenas; Perinde ut ipse sanctus
erat, voluisse eum homines sancte vivere, pla-
ne mihi persvadeo. Ob quam causam cum ho-
mo liberæ esset naturæ, facileq; in utramque
partem flecti posset, dum discriminis honesti &
turpis ipsi non innotesceret, Legem tanquam
frœnum, quo regeretur, homini DEUS impo-
suit. Qvoniam hæc Lex divina sit fundamen-
tum, norma & regula reliquarum Legum, non
difficulter adseritur, illos quoq; in hunc tende-
re debere, honestatemq; & rectitudinem sem-
per servare.

PUNCT. Unic.

S. 2. Ex quibus jam positis fluit censura de
qvæstione qvam movent Politici: Num sit de
essentia Legis ut sit justa vel injusta? Ad
quam Resp. *Essē de essentia alicujus*, posse va-
riis modis intelligi, præcipue hisce qvatvor.

(a) 1. *Constitutive.* 2. *Consecutive,* 3. *Subjective*
 4. *Definitive.* Secundo & quarto modo exi-
 stimo justitiam esse de essentia Legis: Nam vis
 illa obligatoria non potest efficaciam habere
 in animis parentium, nisi mediante justitia. Sed
 dicat quis: *Legem nihil aliud esse, quam de-*
clarationem voluntatis supremæ majestatis;
Majestas vero suprema potest jubere & manda-
re aliquid injustum propter certum aliquem
finem in usum Republicæ vergentem, quem a-
lias consequi Resp. nequivet, nisi per injustam a-
ctionem. Resp. 1. Admittendo, Legem esse de-
 clarationem voluntatis supremæ Majestatis, 2.
 Dist. inter Majestatem *Concrete* & *abstrakte*
 consideratam: illo modo quatenus denotat i-
 psam personam gerentem majestatem, potest
 mandare injusta, sed tunc mandat, non qua-
 tenus gerit majestatem; sed quatenus eadem
 abutitur, nec homo obligatur ad ejusmodi sim-
 pliciter injustum præstandum. Hoc autem mo-
 do ipsi majestati videtur esse contrarium inju-
 stia & mala præcipere: Majestas enim, quæ in
 Regibus conspicitur, immediate ab ipsa maje-
 state divina dependet; unde non possum aliter
 concipere Majestatem, quam ut medium quod-
 dam, quo Deus exequitur voluntatis suæ pla-
 citâ apud nos, ideoq; non immerito persona-

(a) From. Metaph. pag. 65.

rum DEUM, Majestatem vocare ausim. Huc
 facit & illud: quod credunt (non dicam *credunt*,
 sed demonstrant) siores Politici, extincto Re-
 ge, Majestatem recedere ad ipsum DEUM,
 donec idoneum subiectum huic oneri subeun-
 do deligatur: nam distinctionem Majestatis in
Realem & Personalem, tam Theologi quam
 Politici, Jurisq; naturae Scriptores, maximam
 partem exploserunt, & quidem recte. Cum ergo
 Majestas ita dependeat a DEO, quomodo con-
 traria esset ipsi DEO, aut juberet, quod directe
 oppugnaret justitiam divinam? Resp. Multa vi-
 deri quidem primo intuitu à Rege injuste esse
 mandata, quæ tamen, consideratis circumstan-
 tiis omnibus, non sunt injusta: Qvod ideo sit,
 quia quo longius progressi sumus a principiis
 primis, eo difficilius conclusiones principiis i-
 psis congruentes, eruere valemus: Nam Prin-
 cipia sive sint Theoretica sive Practica eviden-
 tiora sunt conclusionibus. Unde vix recte
 procedunt tramite, qui conclusiones & demon-
 strationes ex principiis adeo obscuris deducere
 conantur, ut vix sint nota quoad nomen, mul-
 to minus quoad existentiam aut essentiam. 4.
 Distinguendum inter Legis vocabulum *latè* &
strictè sumptum: illo modo concedo posse abu-
 sive & equivocè injustam vocari Legem; sed
 non hoc.

SECTIO III, CAP.I.

§. 1.

Sic rudi penicillo, quæ legem à priori demon-
strant seu causis, depictis; ad illa quæ à po-
steriori dicuntur esse, seu affectiones, pergen-
dum est, quæ ex hac materia fluentes, variæ
recensentur ab autoribus. Suntq; unitæ vel
disjunctæ, quas ordine enumerabimus. Unito-
rum & Prima esto necessitas: homo enim scire
non posset, quomodo suas institueret actiones,
si non haberet Legem. Et præterea pertinacior
hominum natura est, quam ut solo virtutis a-
more rectè agat; opus igitur est virtute armata,
ut loquitur Seneca.

§. 2. Secundam statuimus Obliga-
tionem, cuius ad legem tanta necessitas
est, ut hac absente Lex salutari nequeat. Est
autem obligatio definiante Pufendorf: (a)
Qualitas Moralis operativa (factiva) qua quis
prestare, admittere, vel pari quid necessitate
moraliter tenetur. Injicitur n. per hanc velut frænū
aliquid morale (dicente eodem Puf:) nostra
agendi libertati, ut in diversam, quam quo
illa dicit, parem tendere rectè non possimus.
Objectum hujus est duplex: Conscientia, &
Voluntas. Conscientia est judicium intellectus
circa actiones quaslibet, quatenus licitæ sunt,
vel

(a) J. N. G. lib. i. pag. 18. 82. 897.

vel illicita, & legi cuidam convenientia, vel ad-
versantur. Et haec distinguitur in antecedente
& consequentem (a) illa est judicium intellectus
de faciendis; haec judicium de factis, qua quis
sibi conscientia dicitur. Utramque lex obligat; il-
lam ut fateatur se teneri praestare, quod lex
ipso precepit: Hanc vero ut de admissis vel bo-
nam conscientiam, si precepta legis observa-
verit, habeat, vel malam, si mandata legis ne-
glexerit; adeoque quam feret, poenae admonean-
tur. Voluntatem vero stringit, imponendo i-
psius libertati frenum, ut ad utrumque; oppo-
situm flecti nequeat, h. e. ut contrarium legi
facere non possit, quin Legislatori justas poenas
se daturum confiteatur.

§. 3. Obiter etiam illud tenendum, quod
obligatio sit vel plena, vel minus plena. Duopla-
na involvit; unum ut admoneat subjectum de suo
debito, cogatque ipsum fateri necessitate aliqua
morali ad ejusmodi præstandum, se teneri. Alte-
rum, ut terreat ostendendo malum, quod
merito accidet ei, qui debitum neglexe-
rit: Minus plena priori tantum vi gau-
det, nec qua talis à lege quadam aut jussu su-
perioris, sed ab ipsa intrinseca rei æquitate &
honestate ducitur. Atque haec obligatio, alte-
rius fundamentum & principium est.

§. 3.

(a) Wanoch. Disq. Praet. part. special. c. 8. §. 4.

S. 4. Hic etiam quæri solet: *An Leges humanae conscientiam obligent?* Ad quam respondemus, omnino, si justæ sint: namq; vim à lege æterna, ut Thomas loquitur, aqua derivantur habent. (a) Et quamvis ipsæ Leges sint juris humani, tamen juris divini est iis obtemperare. Qui ulteriorem explicationem gestit, adeat Osiandrum (b) prolixè hanc Quæstionem contra Calvinianos defendantem, Danhawerum (c) & alios.

S. 5. Tertiam arbitramur brevitatem & Paucitatem esse. Brevitas legum est Attica, non vero Asiatica styli luxuria fluens, quod antiquorum, non solum Oratorum & Poëtarum, sed Philosophorum princeps Seneca testatur, dum dicit: *Nihil mihi viderur frigidus quam lex cum prologo, jubeat non svadeat.*

S. 6. Paucitas legum maximè commendabilis est. Qui namq; leges cuiq; casui præscribere velit, is sane Hydram centum capitibus amputandis introducere videret, quorum qui unum præcidere dum tentat, duo peiora alia in unius locum succedent; multiplicatis nimis legibus, huc & illuc distrahuntur parentium animi, nec memoriae infigi possunt; datur quoq;

ansa

(a) Proverb. 8. 15. § 16. Rom. 13. 2. § 5. 1. Pet. 2. 13.

(b) Colleg. Syst. Theol. Tom. 8. p. 48. & seq. & in

Grot. p. 21. (c) auct. Moral. pag. 703. & seq.

ans a litigantibus callidioribus, qualicunq; fu-
co pravas & injustas causas obvelare, incon-
venientes leges citando. Vid. plura Dannh. (a)

PUNCT. UNIC. ART. 1.

§.7. Quare am facimus promulgationem, ubi tria
quæri possunt: 1. In quo consistat hæc promul-
gatio? 2. An lex possit habere vim cogendi &
obligandi ane quam promulgata sit? 3. An fa-
cta sufficienti promulgatione, cum jam lex in-
cipit obligare, non solum obligat eos, quibus
jam innoruit, sed etiam eos, qui ignorant? Ad
primum Resp. non esse necessarium, ut scriba-
tur vel voce proferatur: modo innotescat, illis
qui obedientiam præstare tenentur. Beccanus sic
respondeat: (b) Non omnes leges eodem modo pro-
mulgantur. Alia enim est promulgatio legis hu-
manæ, alia naturalis, alia æternæ (si modo in
eo, quo ipse vult, sensu lex nominanda sit, quam
dicit(e) esse ideam Dei, seu concepum Dei, de toto
regendo orbe. Ego vero illam ideam, minime
legem vocari posse, existim. Nam neq; Deum
obligat, neq; creaturas. Non Deum; qvia Deus
esset autor hujus legis, & nemo sibi obligatur,
quoad obedientiam: & si Deus tali legi subje-
ctus esset, omnino fatum Stoicum & Calvini-
sticum (nisi pejus esset) inferretur. Neque

F

creatu-

(a) auct. Moral. pag. 701. (b) Tom. 1. de leg. c. 1.
Quest. 4. concl. 5. (b) ibid. cap. 2. q. 1.

creaturas (seu orbem) praece & ut sic consideratas stringit; ἀλογα namq; non sublune legi. Sed pergit: Et quidem ad promulgationem legis humanae requiritur ex communione suu 1. ut Legislator externo signo suam voluntatem proponat & manifestet subditus. 2. Ut solenni ritu id faciat. Prius requiritur propernotitiam & directionem; posterius properobligationem. Promulgatio legis Divine facta est in monte Sinai (a) per externam propositionem exhibita solennitate. Legis autem Evangelice novis Christianis in die Pentecostes. (b) Sed quam sincerus sit, in hoc, dum effusionem Spiritus Sancti, legem vocare sustineat, qvivis vere Christianus judicare possit. Pariter etiam in (c) eo, ubi Christum affirmat multa mandasse suis Apostolis privatim, per externam locutionem, que rationem novarum Legum haberent. Scilicet verba ipsius nituntur falsa hypothesi: dari Legem Evangelicam, ut possit cum Pontificiis suas traditiones salvare, cum Evangelium & Lex sint opposita. Vid. Kromajerum (d) & Osiandrum. (e) Sed hanc litem ad forum Theologicum remissam volo. Promulgatio legis naturalis, inquit, sit per naturale dictamen

(a) Exod. 20. (b) Auctor. 2: (c) citat. Loc. (d) de leg. pag. 559. (e) Colleg. Syst. Theolog. Tom. 4. pag. 137. 284. § 143.

men recta ratione; &c quidem recte. Lex enim naturalis per habitum nobis indita & promulgata est.

ART. 2.

§. 8. Ad secundum quæsumus Resp. Beccanus (*a*) Legem non habere vim obligandi ante promulgationem; ratio est, quia non potest dirigere subditos in agendo, nisi cognita sit; non est cognita, nisi promulgata. Rudrauff. (*b*) taxat Beccanum hac in re: existimat enim promulgationem legis naturalis non esse promulgationem proprie loquendo. Sed supra monstratum est, promulgationem non confitere formaliter in scriptura aut voce; sed in evidentia cognitionis. Quid? Principia prima adeo sunt perspicua, ut de iis non possimus dubitare; quæ autem sensibus sunt obvia veritatis testimonia non nanciscuntur, si cum principiis non convenient; quia principium (si alias certa demonstratio habebitur) notius erit principio, sicut præmissæ in syllogismo, conclusione. Errantergo illi graviter, qui adeo ponunt obscura principia, ut vix sint nota quoad nomine, quod tamen esse deberent teste Max. Rev. Doct: Flachsenio, (*c*) multo minus quoad rem ipsam. Non ergo video, quomodo Rudrauffio tam

F 2

gravi-

(*a*) cit. loc. Tom. 2. pag. m. 277. (*b*) Phil. Theol. pag. m. 368. (*c*) Colleg. log. cap. ult. de Met.

graviter vapulabit Beccanus, cum promulgatio legis naturalis, magis perspicua sit, quam humanarum. ART. 3.

§. 9. Ad tertium Resp. breviter. Quando lex sufficienter promulgata est, ita ut obligare incipiat (sive incipiat obligare mox post factam promulgationem, sive post aliquod intervallo) non solum obligat eos, quibus jam innotuit, sed etiam, qui eam ignorant. Quod etiam Dominico à Soto (a) & Medine (b) placet. Sed hoc non adeo absolute à nobis dictum esse velimus, quin limitatio aliqua dari possit. Confer. Wanoch. Disq. Pract. (b)

§. 10. Quintam affectionem simplicium facimus perspicuitatem. Quamvis fabulas similitudinesq; involucris involvere liceat Poëtis; fidelis tamen præceptor & Legislator, claris & perspicuis verbis sua monita, iussa & mandata promulgabit, ne quid scrupuli in animis parentium relinqvatur.

CAP. II.

§. I.

Supersunt duæ affectiones disjunctæ, quæ sunt mutabilitas & immutabilitas. Quæritur ergo; Quānam leges subsunt mutabilitati; &

(a) de jure & just. quest. 1. art. 4. (b) in 1. 2. quest. 90. art.

quenam immutabilitati? Resp. Illi subsunt leges Divinæ, tam forensis quam Ceremonialis, & humana; Huic autem lex moralis & naturalis.

PUNCT. I. Art. 1.

§. 2. Qvod mutabilis sit lex *humana*, claram & perspicuum inde esse putamus. Quia homo tanta sapientia & prudentia minimè gaudet, quin multas circumstantias, casusq; contingentes ignoret; præterea, ubi vel status Reip. mutatur, vel alius aliquis casus acciderit, qui vel leges latae ferre nequit, vel alias novas requirit; qvod quotidiana experientia clare testatur. Sed in abroganda aliqua lege civili, caute ambulandum erit; nam temere & sine prægnaci causa Magistratus veteres leges & mores non mutabit; quæ res eorum esto judicii, qui in praxi politica versati sunt, meliusq; prospicere didicere, quid omittendum, quid facendum, quid immutandum, quidq; rati habendum.

ART. 2.

§. 3. De lege *Ceremoniali* & *Forense* Judaica, seu positiva Dei, etiam testatur tam experientia, quam Sacra Scriptura: (a) De *Forense* posterius, de *Ceremoniali* prius dictum intelligendum,

F3

dum,

(a) Hebr. 8.13. Gen. 49. 10.

dum est. Contigit hæc abrogatio propterea quod Deus 1. non voluerit eas ultra adventum Messiae durare. 2. Sublata materia, tollitur lex ipsa; quomodo enim id obligabitur, quod non est? at occidit & evanuit Respub. Judæa: Ergo vim obligativam non ulterius obtinet, qvia solis Judæis positæ erat hæc lex. Quidquid tamen in lege forensi est juris naturalis, retinetur adhuc apud vere Christianos; non quatenus si legis forensis, sed naturalis, vim adstringendi retinet.

PUNCT. 2. ART. 1.

S. 4. De altera autem affectione difficiliores inter Doctores moventur controversiæ. Nos tamen breviter & unico verbo cum accuratoriis tam Theologis, quam Juris naturali Doctoribus, & legem moralem, & naturalem, & gentium immutabiles, indispensabiles, (sic loqui liceat) & eternas esse statuimus; sed priusquam longius abeamus, observandum est, mutationem dupliciter intelligi posse; vel proprie, quæ fit per ablationem legis, vel obligationis alicujus; vel improprie. Propria mutatione dupliciter solet in rebus accidere; vel per mutationem rei, ab intrinseco deficientis, vel per extrinsecus factam destructionem, virtute alicujus agentis, potestatem habentis, qui uterque modus ad legem applicari potest. Et posterior

sterior fieri potest, vel quoad totam legem, vocaturq; *abrogatio*, vel quoad partem, & vocatur *dispensatio*, de hisce omnibus videndum erit.

ART. 2.

S. 5. Ad mutationem quod spectat, distinguit *Hanius*. 1. inter jus quoad *substantiam*, & quoad *notitiam*. Priori modo omnibus unum & immutabile opinatur; posteriori vero non integrum esse, sed mutabile v. gr: Quando flagitia, furtū & alia scelera mandantur à quibusdam nationibus. Sed quid notitiæ gentium ad mutationem juris faciunt? Si quis peccaverit contra legem positivam, num ergo mox mutabit legem? vix credo. Ergo transgreditur legem. 2. Distingvit inter ipsum jus *naturæ*, & juris *civilis* determinationem. Posse inquit jus naturæ per additionem mutari, licet non per detractionem. Idem quoq; statuit *Becanus* (*a*) allegans *Thomam Aquinatem* pro eadem sententia certantem. Confer *Henninges*. (*b*) Sed quæ hæc quæso mutatio est? Num ego possum mutare voluntatem alterius.

ART. 3.

S. 6. Si probationem nostræ sententiæ desideres, eam sic rationibus adstruemus: Lex spe-

(*a*) *Theol. Schol.* Tom. 1. Tract. de leg. cap. 3. Q. 3. concl. 1. (*b*) in *Grot.* pag. m. 109. 110. & seq.

spectari potest, vel prout in DEO est, vel in hominibus. Ut in homine est, mutari non potest, quia intime infixæ est hominum mentibus (a) & quædam quasi proprietas creaturæ rationalis, quamvis principia illa innata interdum obscurari possint, ut suam vim in subiecto, nempe animo exercere non valeant, qva de re, fac adeas Beccanum. (b) Si vero consideratur prout in DEO est, præter illa, quæ supra de indifferentia actionum moralium disputavimus, vel hinc evidens est, illam non posse tolli: quia vel 1. nulla lex per se ipsam deficit, sine revocatione superioris, vel 2. quia non erat perpetua, sed pro certo tempore lata, quo finito ipsa etiam finitur & desinit esse. Vel 3. quia in materia fit aliqua mutatio: ratione cujus, lex fit irrationabilis & injusta, cum antea esset justa & prudens. At heie nihil horum contingit. Præterea si lex aliquam variationem sentiret, utiq; id fieret vel in præceptis negativis, vel affirmativis (nam ita adæquate distribuuntur præcepta legum, scilicet qvando formaliter spectantur) non illud; qvia negativa prohibent res per se & inerint se malas, ideoque obligant semper & pro semper. Nec hoc: nam affirmativa præcepta obligant semper, quamvis non pro semper: mutationem tamen inde non subeunt. Præcepta

(a) Rom. 1. 21. Ephes. 4. 18. (b) sup. cit. loc.

cepta nāq; affirmativa obligant pro illis occasio-
nibus, in quibus omissio talis actus esset per se in-
erisce mala. Ut igitur illa omissio non pot-
est non esse mala; ita obligatio affirmativi præ-
cepti ad actum illi omissioni contrarium, non
potest per se desinere aut mutari. Et proinde
tale præceptum *necessario semper obligat pro*
suo tempore, & consequenter pro semper etiam
obligat, ad non habendum contrarium propo-
fitum, seu ad obediendum in omni præparatio-
ne, si non in ipsa operatione. Ego vero ex-
stimo, non incommode hic distingvi posse in-
ter actionem *specifice & numerice* consideratam:
hoc modo obligat *semper*, h. e. certis tempo-
ribus, quando qvis habeat occasionem *nume-*
rice exequi illud mandatum. Illo vero obli-
*gat *semper & pro semper* h.e. quamvis nume-*
rice non agamus, seu continuo, obligamur
tamen *specifice semper & pro semper*, ut nihil
illi præcepto contrarii admittamus, adeoque su-
pra allata ab Osiandro huic distinctioni inclu-
di possunt. Vide sis J.:A.Osiand: (a) Rudrauff.
(b) Becan. (c) Henning. (d) Dannhav. (e) Thom.
Aquin. Horn. Ethic. (f) & multos alios.

G

Punct.

- (a) in Grot. p. 181. Coll. Syst. Th. Part. 4 § Tr. de Leg. nat.
- (b) Pb. Th. p. 485 (c) Th. Sch. Tom. I. Tr. de leg. quest. 3. concl. 2. (d) in Grot pag. m. 209. & seq.
- (e) Act. Moral. pag. 707. & seq. (f) pag. m. 600.

PUNCT. III. ART. 1:

§. 7. De mutatione extrinseca seu dispensatione, nec mediocriter controvertunt docti. Quæritur ergo: *An DEus absoluta potestate dispensare queat in Lege vel naturæ vel moralis?* Qvod DEus hoc possit, videtur inde probari, 1. qvod omnis Legislator possit in lege sua dispensare. Etsi Legislator absq; causa dispensat, valida habetur illa dispensatio; multo magis hoc ipsum DEUS poterit, nisi imperfectiorem illum velimus Legislatore humano. 2. Exempla idem monstrant; *Abraham jussus est occidere filium suum.* (a) Sic præcepit Hoseæ mulierem Fornicariam. (b) De spoliis Ægyptiacis idem esto judicium. (c) 3. *Qvia omnia quæ cadunt sub legem naturæ & moralem, non sunt mala, nisi quia prohibentur a DEO, & ipse liberet illa prohibet, quia sit supremus Dominus & Gubernator.* Accedit & hoc, quod eius oppositum non implicat contradictionem; quam sententiam Occamus, Petrus de Alliaco, Andreas de Castro novo, (citante Osiandro) & alii. defendunt. 4. Addunt de conjugiis fratrū & sororum, quæ permisit Deus, & polygamia patrum quoque. Verum enim vero, hæc sententia tolerari nequit. *Qvia dispensare in Lege nihil aliud est, quam permettere alicui, ut agat contra*

(a) *Gen. 22. 2.* (b) *Hos. 2. 2.* (c) *Exod. 11. 9. 2. 8. 3.*

tra Legem, permanentibus omnibus circumstantiis, sub quibus Lex vigeat & obligat: quod absurdum & impium est de DEO statuere.

ARTIC. 2.

§. 8. Nec contraria argumenta quicquam efficere possunt. Resp. enim ad Prim. 1. Illud petere principium; nam propositio major non est universalis. 2. Quod Deus hoc non posset, monstravimus supra, ubi quærebamus (*a*) addetur bonum & malum antecedenter ad voluntatem Divinam? unde Responsio peti potest. 3. Nec quicquam derogat ipsius potestati & maiestati; sed potius extollit sapientiam; quæ tanta fuit in condendis legibus, ut non opus haberet mutatione aliqua. Ad secundum Resp. 1. Exemplum Isaæi nihil probat: DEus habet jus & Dominium in omnes creaturas, ut eas destruere possit; ita quoq; in Isaacum; perinde ergo erat, qvomodo destrueretur Abraham ergo non aliter considerandus quam, Minister DEi, qui tenebatur præcepta & mandata Dei exequi, si vellet alias immunis esse à peccato. Ergo non Abraham hoc fecisse, sed DEus censendus esset. Et sic actus hic non spectaret ad secundam, sed primam tabulam; sacrificium enim spectat ad primam tabulam. Circa hoc momentum ut clarius adhuc nostram sententiam percipias, accurate notandum: difficili-

mum esse terminare, quæ lex & quodnam præceptum sit indispensabile, etiam ab ipso DEO. Ideoq; nostri Theologi, quandam legem indefinite esse immutabilem, in quibusdam autem præceptis Decalogi, DEUM dispensare posse adseverant. Verum non determinant leges *dispensabiles* & *indispensabiles*. Nos cum Osiandro (a) putam⁹ inde posse cognosci, quod lex quædā indispensabilis sit, quia ejus materia intrinsece bona sit, quædam dispensabilis, adeoq; materia ejus sub libero divinæ voluntatis nutu constituta. Et hoc propterea quia, quædam res pendent ex Dominio DEI, quædam autem non pendent ex Dominio DEI; & hæ sunt in dispensabiles, quale quid est: *Deum odio habere, Deum blasphemare, falsos DEos colcre.* Illæ autem, quæ pendent ex Dominio DEI, per absolutum ejus imperium, si nempe Deus illo uti voluerit, eximi possunt ab obligationis vinculis. Et tales materiam credimus cædem esse, quæ qvinto præcepto continetur. Nos quoque ad hæc verba Osiandri addimus & hoc, quod circumstantiæ omnino sint attendendæ, præcipuæ illæ, quæ actioni sunt intrinsecæ, nam mutatis hisce, mutatur ipsa actio, ut quæ alias esset in genere boni, ponatur in genere mali et conversa vice. Et hisce observatis, non difficile est respon-

(a) Colleg. Syst. Theol. part. 4. pag. 256. des.

dere ad illa exempla, quæ, objici solent ex Sacra pagina. Circumstantias in hoc exemplo supra attulimus.

ARTIC. 3.

§ 9. Exemplum secundum nihil probat: quia DEUS non jussit eum scortari; sed duere fornicariā uxorē, quod etiā apud nos licitū est, si cui placuerit. Ad tertium exempl. Resp. Spolia Ægyptiaca non fuere *contredatio rei alienæ in invito Domino*. DEus namq: omnium nostrorum Dominus est: nos autem usurpamus ejus possessiones *gratis*. Deus vero jussit, qvomodo ergo invito Domino ablata sunt? nonne DEus possit depositum suum huic auferre, & alteri dare. Existimo quoq; cum Theologis, dedisse DEum Israelitis hæc spolia, tanquam justam mercedem sui laboris.

ARTIC. 4.

§. 10. Ad tertium argumentum Resp. pereire principium: supra namq; monstravimus, quæ Legibus subsunt, non omnia esse indifferentia. Vide ergo ibi resolutionem. Ad quartum Resp. i. Fratrum & sororum conjugia, contraria Legi naturali vel morali fuisse, nondum probatum est. Positio, quod contra jus naturæ sint, non necessarium est, DEUM propter ea in illis dispensasse; quia Jus naturæ est vel

ex *hypothesi*, vel *absolute* tale. Conjugia illa non essent contra jus naturæ *absolute* tale, sed ex *hypothesi* & *suppositione multiplicati generis* humani. De polygamia Patrum variæ sunt Theologorum sententiæ. Joh. Ad. Osiand.

(a) Respondet Polygamiam, in se consideratam, peccatum quidem fuisse, qvia contiariatur aliquo modo primævæ institutioni, à Christo explicatæ : At prout in usu fuit apud Patriarchas & fideles in V. T: si consideretur, ita cessat ratio peccati, non saltem impunitas, propter dispensationem divinam intervenientem. (Pergit) *à priori* non constat intercessisse dispensationem aliquam, constat tamen a posteriori, quia fuit tolerata à DEO in sanctissimis quibusq; regenitis & fidelibus ; Quod procul dubio, factum non fuisset, nisi interveniret dispensatio, tolerasset enim DEUS malum quoddam mortale in regenitis, quod scriptura negat cum ipsis esse compossibile. Non tamen propterea, inquit: (b) sequitur DEUM dispensasse in legi naturæ, quia Polygamia non est concursus naturæ, adeoq; nec Deus dispensavit in illo jure. Nam institutio conjugii non est juris naturæ, sed legis positivæ. Et pag. 750. ad ratione cur dispensatione opus fuisset, Resp. qui anem-

pe
(a) Colleg. Syst. Theol. Part. 9. p. 98. Observ. Grot. p. 746. (b) observ. in Grot. p. 748.

peprimava institutioni obstabat. Addit quodq; &
hoc: In lege positiva DEus dispensat & dispen-
savit, non autem in jure naturæ. Paulo infra:
concedit Polygamiam aliquali modo esse con-
trariam rectæ rationi. Qvare mox distin-
git inter jus naturæ, quatenus consideratur
vel in suis principiis, h. e. quod recta ratio di-
ditur per modum principii, & ita obligat semper
& necessario, vel in suis conclusionibus, i. e. quod
recta ratio deducit ex principiis juris naturæ.
Priori modo non est contra jus naturæ, posteri-
ori admitti potest, pugnare cum jure naturæ.
Sed hic mihi suboritur Icrupulus, quomodo
possit fieri dispensatio circa conclusiones, e-
iusdem sint certitudinis, ejusdem potentiae obli-
gandi, ejusdem firmitatis, ac principia ipsa,
quia conclusiones tandem directè resolvuntur
in sua principia. Multos citat Theologos, tam
Lutheranos, quam alios eidem secum faventes
sententiæ, scilicet Ægid. Hunnum, Heerbrand.
Haffenreff. Meisnerum, & Nicolai, ex Pontifi-
ciis Laymannum & alios. Absit tamen a me
tanta audacia, ut ferrem judicum de tanto vi-
ro. Hanc ergo sententiam relinquo judicio eo-
rum, qui de tam subtilibus rebus judicare di-
dicere. Si in ipsius sententiam non liceat mihi
transire, non habeo aliam viam, qua exitum
queram, quam ut Deum statuam totterasse illo-

rum peccata, factum vero non approbasse, quod plurimos nostrorum Theologorum statuisse invenio, præcipue tamen viva voce, & his auribus, tam in publicis quam privatis, ab Admod. Rev. Præside lectionibus hausit. Et hæc de affectionibus sufficient, ergo ad divisionem pergendum.

SECTIO IV, CAP. I.

§. I.

Ad divisionem Legis crenam dum accelerabo, tot & tam varias discrepantes invenio sententias, ut illis recensendis plane sim impar. Qvam disrepantam inde promanare judico, qvod autores, materiam hanc tractantes, diversos intendant fines: Aliam quippe metam sibi constituit *Philosophus*, aliam *I.C.rus*, & aliam *Theologus*; quorum divisiones in maxima copia videri possunt apud *Becanum*. (a) *Rudraufium*, (b) *Rachelium* in dissertatione de Jure N. & G. (c) & alios. Et cum in illis divisionibus nobis acquiescere non placet, aliam investigamus necesse est. Nec commediari ratione Legem in genere consideratam, dividi posse autamus, qvam si respectus Causæ efficientis habeatur; Ideoq; cum *Legislator* sit in dupli- ci differentia, utpote vel Deus vel Homo:

Legem

(a) *Theol. Schol. Tom. I. Tract. 3. e. 1. q. 2.* (b)
Phil. Theol. p. 379. & seq. (c) *p. 2. & seq.*

Legem dispescimus in *Divinam*, & *humanam*:
 Quam etiam Magni Nominis Viri amplectuntur: utpote Doct. *Johannes Gerhardus* (a) *Pufendorf.* (b) *Liebenthal* (c) *Hornejus* (d) *Hobbes.* (e) *Seldenus* (f) *Cocqvius* in *Hobbe-*
sum (g) *Henninges* (h) & multi alii. *Divina* ergo est, que *DEum* auctorem habet; *Humana* vero, quam homines ferunt.

§. 2. Legem *Divinam* alii aliter dividunt: Nobis Virorum celeberrimorum B. Doct. *Chemnitii*, & D. *Qvenstedii* (i) hoc in negotio vestigia premere placet; vel etiam B. Doct. Joh. Gerhard. (k) & Joh. Ad. Osiandri. (l) Ambo hi posteriores τεχνικαὶ utuntur, Legem in *Moralem*, *Ceremonialem*, & *Forensem* partientes; illi vero διχοτομίας amant. Chemnitius ita mentem suam explicat. Lex *Divina* vel in genere præcipit de cultu Dei & *Justitia*; vel determinat illa per certas externas circumstantias. Qvenstede vero hoc modo pro-

H

cedit

- (a) *Loc. Theol. Tom. 3. p. m. 3.* (b) *de J. N. & G. lib. 1. c. 6. §. 18. in iuris prud. universalis l. 1. def. 13. §. 13. & de off. Hom. & C. lib. 1. c. 2. §. 16.* (c) *Pol. p. 571.* (d) *Etbic. p. m. 589.* (e) *de Civ. l. 14. §. 4.* (f) *I. N. & G. l. 1. c. 8.* (g) *disp. 2.* (b) *obs. Grot. p. m. 88.* (i) *Theol. didact. Pol. P. 4. c. 1. de leg. Sect. 1. Thes. 3.* (k) *loc. Theol. Tom. 3. p. m. 3.* (l) *Colleg. Syst. Theol. part. 4. p. m. 247:*

cedit. Lex Divina est vel καθολικὴ, universali, ratione temporis Sloci, & Moralis, vel νόμος, temporaria & Judaica. Lex Moralis præcipit opera moralia, & obligat ad obedientiam, vel ad pœnam. Estq; perpetua & immutabilis vivendi norma, expressa imago conceptus interne divinae mentis, secundum quem DEUS Legislator fas & aequum esse judicat, ut creatura rationalis vitam suam totam semper & ubiq; instituat. Lex Temporalis & Judaica est: que ad certum tempus, tantum durare debuit inter Iudaos; ut Lex Forensis, & Ceremonialis. Et hec Lex Judaica abrogata est.

S. 3. Lex Moralis, est vel Naturalis seu consonata; vel Moralis specialiter sic dicta. h.e. Decalogus. Ego quoq; (ut ex mea sententia loquar) Legem Naturæ existimо dividi posse, in Legem Naturæ strictè sic dictam, & Legem communem seu Jus Gentium. Est autem Lex Naturæ (definiente Qvenstedt (a)) Jussum a suprema & independente potestate, DEO, Homini per naturam impressum, conscientiam ejus ad faciendum, quod rectum & honestum est & fugiendum vel omittendum, quod est injustum & turpe, obligans. Vel ut Osiander (b) definit, quod scilicet sit regula quedam firmiter homini infixa, qua & indicat, quod sit justum

^{ex}
(a) Tb. pars. q. c. sect. 1. Tb. 15. (b) in Grot. p. 203.

ex se, & iustum; ad prius scđandum, post-
rius vitandum obligans. Legem seu jus Gen-
tium describunt Henninges (a) & Hornius, (b)
quod sit regula quædam actuum publicorum,
qui diversis gentibus, qua gens sunt, interca-
dunt, dirigens populorum ad invicem opera-
tiones in communem justitiam, & omnium irano-
guillitatem. Vel ut Osiander. (c) Jus Gentium
est tale quid, quod intuitu honestatis, omnes
gentes & populos constringit. Humana Lex
presse accepta, omnis positiva est, dicente Dn.
Pufendorf, (d) vocaturq; Jus civile; quod est
jussum summe Majestatis, Republice utilita-
tis causa, civibus positum, ad quod suas actio-
nes civiles componere tenentur, si alias pœnam
effugere veline. Sed circa has divisiones mul-
ta queri possunt, quæ tractare constituimus in
Capite proximè sequenti.

CAP. II.

§. I.

De divisione Legis Divina non satis inter DD.
convenit. Quæritur ergo 1. Quid sentiendum
de lege DBi aeterna, numne e censu legum exclu-
denda sit? 2. Quid judicandum de divisione Legis
divinae in Veterem & Novam? 3. An, & quomodo

H 2

Lex

[a] in obs. Grot. p. m. 123. (b) de Civ. l. 8. c. 2. Thes. 8.
(c) Colleg. Syst. Theol. pars. 5. pag. m. 256.
ed. de L. N. & G. p. 102.

*Lex Moralis & naturalis differant? 4. An, &
quomodo Lex naturæ & Gentium discrepant?
5. An lex seu jus Gentium sit referendum ad
Jus Divinum, vel humanum ratione cause
efficientur?*

PUNCT. I. ART. UNIC.

S. 2. Cum de lege Dei æterna supra no-
stram tulimus sententiam, non opus esse existi-
mamus crambem bis coctam adponere, ideoq;
C. L. amice illuc remissum volumus. Fateor
quidem multa utiliter ad huc circa hanc quæsti-
onem disputari posse; sed temporis ratio non
permittit. Si ergo aliquis ulteriore explica-
tionem, super hanc desideraverit, possit præter
alios, adire Rudrauffi Philosophiam Theologi-
cam, de Lege. Meisneri philosophiam sobri-
am: qui desiderio Tuo C. L. melius ac ego fa-
cient satis.

PUNCT. II. ART. UNIC.

S. 3. Secundam quæstionem, cum mere sit
Theologica, planè intactam relinqvimus, reso-
lutionemq; cupientem, ad Theologos remis-
sum volumus. Nos simpliciter negamus quæ-
stionem, quia Christum non fuisse Novum Le-
gislatorem, Sacra Scripturæ, & ex ea demon-
strant Nostrates.

Punct.

FUNCT. III. ART. I.

§. 4. De Distinctione Legis *Moralis* & *Naturalis* non convenientur DD. quam nos brevibus tractabimus. Si considerentur hæ leges in statu Integritatis, nihil impedit, quo minus identitatem ibi ponamus; quod latentur D D. omnes: utpote Gerhardus (*a*) Osiander (*b*) Qvenstedt (*c*) & alii. Num autem in statula-
pus distinctiones sint, & qualis sit illa distinctione,
est de quo valde disceptant. Quidam nullam;
Quidam specificam; Quidam vero gradualem
inter illas esse differentiam contendunt.

ART. 2.

§ 5. Primi *Illi* suæ sententie fundamentum substernunt, quod quamvis Homo peccaverit, viresq; legem implendi amiserit, ipsaque præcepta quoad notitiam & perspicuitatem obscurarit, non tamen propterea factam esse aliquam mutationem in ipsa forma præceptorum, quin Deus adhuc omnia à nobis possuleret, quæ unquam ante. Qui scilicet secundi generis Homines pro *specificæ* certant differentia, suam sententiam verbis Divi Pauli Rom. 7. v. 14. ita sonantibus superstruunt: *Lex spiritualis, Ego autem carnalis.* Tò *Ego* explicare videntur, ac si Spi-

H 2

ritus

(*a*) *Tom. 3 p. m. q.* (*b*) *in Obs. Grot. pag. m. 104.*
(*c*) *part. 4 p. m. 3.*

ritus Dei intelligeret Hominem secundum principia naturalia agentem, vel quasi Lex naturalis contaminaretur, propterea quod peccaminoso subjecto inhæreat. Præterea has Leges ad diversos tendere fines, moralē Legem ad felicitatem æternam, naturalem vero ad Moralem tantum contendunt. Tertie sententiae Favatores, qvibus quoq; Nos ipsos adsociamus, specificam negantes, concedentes vero aliquatenus differentiam, haud sicut linea adferunt argumenta. Præter eas rationes, quas primæ sententiae Autores pro sua adstruenda acculerunt, alias quoq; in promptu habent hi postremi: Quæ scilicet specie differunt, per oppositas differentias, illa distare ab invicem necesse est; adeoq; cum bell. in statu integratis, unum & idem essent, priusquam plane opposita fierent differentiae, in illis, una barum essentialiter mutari deberet; hoc est, ut non juberet, vel velaret nunc id, quod antea; quam tamen mutationem ibi statuere absurdum esse vidimus in Sect. 3. ubi de immutabilitate juris naturæ egimus. Qvod si LL. hæ considerentur in relatione ad Nos, prout nobis sint notæ & promulgatae, quin inter eas sit discrimen aliquale, non video. Moralis promulgata est in Monte Sinai, (a) Naturalis vero nobis connascitur. Illius evidentia à supernaturali; hujus vero naturali Lumine & à dilectu

(a) Exod. 20. Dext. 5.

rationis descendit; & quæ sunt reliqua. Qvod Primi illi pro sua sententia attulerunt, facile possumus concedere. Sed nos existimamus, non opus esse, adeo abstracte legem considerare, quin etiam habeatur respectus ad ipsam promulgationem & cognitionem Legis, hoc est, ut concrete & materialiter consideretur, & in quantum nobis sit cognita. Ad ea, quæ pro secunda sententia adferebantur. Resp. 1. Ad dictum Pauli, quod incompetenter allegetur, & male explicetur; tò enim *Ego carnalis*, significat malam concupiscentiam, quod patet ex sequentibus verbis, quæ addit Paulus, scilicet, *Venundatus sub peccato*. Nec oritur concupiscentia ex obedientia Legis, sed ex nostra corruptione, quam contraximus in transgressione legis. Qvod dicit illas diversos habere fines, Resp. 2. Hos fines non esse oppositos, sed subordinatos; Præterea nec sola diversitas finium, ut docent Metaphysici, specificam ponit differentiam.

PUNCT. IV. ART. 3.

§. 6. Quarta questio à nobis supra proposita, multis difficultatibus obsita deprehenditur. Distinctionem omnem inter jus *Natura* & *Gentium* negant non pauci, *Jus Gentium* a *Naturali* extrinseca tantum denominatione differre dicentes; Alii opinantur *Jus Gentium* differere à *Naturali*, quod hoc se ag-

Bruss etiam porrigit, illud vero tantum inter homines locum habeat: quam tamen distinctionem minime admitti posse supra probatum dedimus. Alii discrimen inter hæc *Jura* ponunt, ut *Jus Gentium* se habeat permodum conclusionis remotæ, à *Naturali* deductæ; *Natura* vero *Jus* in primis principiis continetur, vel si discursus intercesserit, proxime juris punctum attingat.

ART. 2.

§. 7. Nos distinctionem inter hæc *Jura* nulla ratione melius constitui posse putamus, quam si habeatur ratio objectorum. *Juris Naturalis* objectum est homo, *juris* vero *Gentium* est *Gentium* contextus. Objectum deniq; *juris* civilis est *homo*, determinate in tali vel tali civitate vivens, ut loquitur Osiander; (a) quod etiam innuere videntur *Becanus*, (b) *Hornejus*, (c) *Rudrauffius*, (d) *Zieglerus*, (e) *Hugo de Roy*, (f) *Henninges* in *Grotium* (g) & per plurimi alii. Ideoque a parte *Rei* videntur *Ius Naturæ* & *Gentium* esse unum & idem, objective tamen distingvi; ita scilicet, ut *Jus Naturæ* obliget hominem simpliciter, *precisa* societate ci-vili; *Jus autem Gentium* i.e. idem illud *Jus Naturæ*

turæ

(a) *Coll. Syst. Th. part. 5. p. m. 255:* (b) *p. m. 994:* (c) *Eth. p. m. 606:* (d) *Pb. l. Theol. p. m. 446:* (e) *in Grot. p. 51:* (f) *p. 58:* (g) *p. m. 123:*

turæ obligat ex hypothefi diversarum Gentium vel populorum, inter quos est aliquod commercium & actionum operatio. Diciturq; *Lex Naturæ* (ut ex ipsa appellatione patet) quia respicit ipsam Naturam, puta rationalem. *Lex autem Gentium*, quia Gentes, qua gentes; *Lex Civilis*, qui cives, qua cives, obligat; Et qvamvis non possit hic *essentialis* aliqua differentia obtineri, sufficiat tamen aliqualis, sive sit modalis, gradualis, vel formalis, adeoq; credimus nostram divisionem iuxta allatam sibi constere posse.

PUNCT. 5. ART. unic.

§: 8: *Quintæ* qvæstionis resolutio facile econstat ex illis, qnæ modo ad superiorem qvæstionem diximus; quod scilicet spectet ad Legem Divinam ratione originis & causæ efficientis: *Obligat enim antecedenter ad consensum humanum*: ut loquitur Henninges in Observ. Grotianis, loc. cit. nam consensus Gentium, vel manifestus vel tacitus, non potuit habere rationem causæ efficientis; Ideoq; nec *Lex Gentium* Pactum dici potest, quod antea supponit libertatem; potestque rescindi à pacifcentibus, quandoipsis placuerit. Nec ad iuratores Gentes tantum, sed & ad omnes in universum spectat, Observatio vero ipsius conspicitur, præ-

cipue apud moratores. Et quod Barbaræ gen-
tes non obseruent hoc Jus, non mox eas pro-
pterea illo solutas censere debes. Sed manum
de Tabula. Hæc fuere B.L. quæ festinatio &
tenuis tam Ingenii quam æris suppellex can-
didis tuis oculis fistere potuere. Si heic inve-
nias, quod ad tuum sapit palatum, est de quo
mihi maxime gratulor; si vero quid secus fu-
erit, enixe contendeo, velis pro tua humanita-
te omnia in meliorem partem interpretari,
michiq; ignoscere, & Ego tibi condonabo alia
vice: *Homines sumus omnes, Et facile
labimur. Te vero Deo committens
claudio:*

**GLORIA SIT PATRI, FILIO ET SPIRITU
SANCTO IN SECULA SECULORUM!**

